


# Konfirmant 2018: Suldal

## - Noko for deg?

Kyrkja i Suldal inviterer *deg* til å bli konfirmert.

Du er velkomen til konfirmasjonstid i kyrkja

- anten du trur, tvilar eller berre er nysgjerrig.



## Kva er konfirmasjon?

Ordet **konfirmasjon** betyr stadfesting.

Dåpen er eit synleg teikn på Guds kjærleik til oss og at den døypte høyrer til i kyrkja. Dette vert stadfesta i konfirmasjonen. Konfirmasjonstida leier fram mot sjølv konfirmasjonsgudstenesta der kvar enkelt konfirmant blir bedt for.

For å bli konfirmert må du vera døypt. Dersom du ikkje er døypt, kan du bli det i løpet av konfirmasjonstida.

## Kva gjer me i konfirmasjonstida?

Nokre gonger løyser me gruppeoppgåver, andre gonger ser me film, har drama eller griller pølser og diskuterer store og små spørsmål. Me ynskjer at du gjennom året skal læra meir og tenka igjennom tema knytt til m.a. tru/tvil, Bibelen, sjølvbilde, korleis ta gode val, oss i verda og andre tema knytt til Gud og kristen tru. Du treng ikkje å ha tenkt igjennom alt på førehand, men i løpet av året vil du få høve til å gjera deg opp eigne tankar og meiningar knytt til dette. **Uansett: Det viktigaste er at du er villig til å delta i opplegget.**



Frå pilegrimsvandring ved Mokleiv



Frå weekend på Gullingen



## Kva forpliktar konfirmantane seg til?

Dei som melder seg som konfirmantar må møta på alle samlingane og vera villig til å delta på opplegget.

Dei må igjennom året delta på 8 gudstenester og dei får enkle oppgåver på nokre av desse gudstenestene.

Alle konfirmantane i kommunen deltek tysdag før påske i Fasteaksjon i si bygd, der me samlar inn pengar til Kirkens nødhjelp.

## Alle har rett til ei god konfirmasjonstid

Som kyrkje ynskjer me å møta alle konfirmantar og familien deira på ein god måte i deira livssituasjon. Treng du ekstra støtte i samlingane eller tilrettelegging på andre måtar så ta kontakt med oss på førehand. Skriv det i påmeldinga eller ta kontakt direkte med kyrkjekontoret. Skriv og om det er viktige forhold me treng å vite om, til dømes forhold heime, mat- og andre allergiar, dysleksi etc.

# KONFIRMANT\* 2018

### Undervisning

Konfirmantundervisninga vert i Suldal kyrkje kl. 15.00 – 17.00 desse onsdagane:

30/8 – 20/9 – 18/10 – 8/11 – 22/11 – 6/12 – 10/1 – 24/1 – 7/2 – 28/2 – 14/3 – 23/5

(Det kan nok bli endringar i desse datoane)

*Konfirmantane følgjer skulebussen frå Sand eller Nesflaten.*

### Andre samlingar:

- |                   |   |
|-------------------|---|
| 20. august        | Suldal kyrkje: Gudsteneste kl. 11.00 med presentasjon av dei som skal vera konfirmantar i Suldal kyrkje. Etter gudstenesta er det kyrkjekaffi for konfirmantar og foreldre. Her vert det gitt meir informasjon om konfirmasjonsopplegget. |
| 27. august        | Nesflaten kapell: Gudsteneste kl. 11.00 med presentasjon av dei som skal vera konfirmantar på Nes. Etter gudstenesta er det kyrkjekaffi for konfirmantar og foreldre. Her vert det gitt meir informasjon om konfirmasjonsopplegget.       |
| 22.-24. september | Konfirmantweekend på Gullingen  |
| 20. mars          | Fasteaksjonen: Innsamlingsaksjon for Kirkens Nødhjelp   |
| 11. april         | Pilegrimsvandring på Mogleiv  |
| 26. mai (laurdag) | Konfirmasjonsgudsteneste kl. 11.00 i Suldal kyrkje  |
| 27. mai (søndag)  | Konfirmasjonsgudsteneste kl. 11.00 i Nesflaten kapell   |
| 29. mai (tysdag)  | Konfirmantfest på Suldal bedehus  |

I løpet av året skal alle konfirmantane delta ved minimum åtte gudstenester.

Ein eigenandel på kr 1000,- går til å dekkja kostnadar til weekenden. Faktura vil bli sendt.

## Blir du med?


**Påmelding på heimesida vår innan 30.juni: [www.suldal.kyrkja.no](http://www.suldal.kyrkja.no)**

(Får du ikkje til å melda deg på via heimesida, så send ein e-post til [post@suldal-kyrkje.no](mailto:post@suldal-kyrkje.no) med informasjonen så registrerar me deg).

**Det er viktig at konfirmant og foreldre/føresette fyller ut påmeldinga i lag, då ein treng opplysningar frå begge under påmeldinga.**

Dersom du er døypt i eit anna trussamfunn enn Den norske kyrkja må du levera ein kopi av dåpsattesten. Ta den med på første samling, eller lever den på kyrkjekontoret på Garaneset på førehand. Fint om du kan lasta opp eit bilete under påmeldinga som me vil nytte til klassekart for å læra namn.

Med vennleg helsing



Asbjørn Salthe

Sokneprest i Sand og Suldal

## Spørsmål?

E-post: [asbjorn.salthe@gmail.com](mailto:asbjorn.salthe@gmail.com)

Suldal kyrkjekontor: 52790200

Asbjørn Salthe direkte: 92442220